



DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA,*

QUOD LIBETARIIS DISPUTATIONIBUS,
*manè discutienda in Scholis Medicorum, die Jovis vigesima-octavâ
mensis Februarii, Anno Domini M. DCC. LX.*

M. FRANCISCO BIDAULT, Doctore
Medico, Præside.

An fracto Cranio semper admovenda Terebra?

I.



EREBRUM, nobile illud spiritus animalis & vitæ promp-
tuarium, tum loci sublimitate, tum substantiæ mollioris friabi-
litate, externis undique pateret insultibus, nisi ossæ veluti galeâ
ipsum muniisset Natura prudens. Sed ex ipso securitatis fonte
manat periculorum uberrima scaturigo. Ipsa Calvariæ soliditas
in Hominis detrimentum sæpè vertitur. Irruentium mole ac im-
petu graviter læduntur Integumenta, periculosè contunditur
Pericranium, idè quod subjecta obnitatur Calvaria. Effracto Cranio, promi-
nentia quandoque ossium acumina membranas excruciant; aliàs effusus per col-
lisionem humor difficiliter excernitur; aut contusa Meninges commotumve Ce-
rebrum Resolventium beneficiis minùs fruuntur, quoniam. præcludit iræ solidior
pixidis ossæ substantia. Hinc percussio vehementer Capite, horrenda pullulat

* Auctore M. HYACINTHO-THEOD. BARON, Fil. anno 1732.

A

Symptomatum caterva. Homo concidit exanimis, caligant Oculi, surdescunt Aures, obmutescit Lingua, Sanguinem Auribus, Naribus, Oculis excernit; sequitur Nausea Bilisque Vomitus; mox sedit ut plurimum acutissima Febris; Caput dolet, imprimis quâ parte percussus est: vertigine corripitur æger, spirandi difficultate, Vetro, Stupore, Paralyti, Convulsione, Delirio. Sic afflictis ægroti rebus, quodnam adhibendum auxilii genus? Cujusnam implorabis opem? Jam adsunt qui, compertâ in Cranio rimâ, Trepanum predicant: jam terribilem instruunt operationis apparatus. At siste Manum. Humano Capiti ferrum immittere non licet, nisi de Operationis necessitate constiterit. Non semper celebranda Operatio, quæ nunquam experts periculi, aliquando inutilis est.

I I.

CORPORUM contundentium durior hebetudo-graviorque moles periculosisimè caput afficiunt. Hæc, Cranium diffringendo, Meningibus intradunt ossium fragmenta, spiculis suis exquisitissimi sensus membranas crudeliter lacerant. Est ubi tabula ossium exterior, spongiosa Diploe innixa, impingenti resistit telo, dum interna, tenuior, nec pari adminiculo suffulta, dissilit. Sæpè ultrâ Cranium propagatur frangentis energia, & Cerebrum obvolventesque Membræ contunduntur. Sic disruptis commoti Cerebri aut duræ Matris laceratæ vasis, intrâ Cranium effunditur humor, qui mole Cerebrum comprimens, & acredine, quam morâ contrahit, Membranas irritat, dira suscitât symptomata. Porro si tactu visuve pateat ossa, sub ipso ictu depresso, Cerebrum comprimere Membranasque pungere; si auctis, vel non remittentibus Symptomatibus, ex sapientis Medici judicio, effusus intra Cranium stagnet humor; si nec ossium fragmenta remove, nec ipsis remotis liceat depressas partes restituere, aut effusis liquoribus exitum concedere, haud morâ solers admoveatur manus. Nudetur Cranium, si vulnere omnino non, vel non satis nudatum fuerit. Mox Ossi admoveatur Terebra, quam undequaque æqualiter serrantem leniter prudenterque circumagat Chirurgus. Tum resectus Cranii orbiculus Elevatorio educitur, torietque iterum applicatur Terebra, donec satis patens sit Chirurgi foramen: Hæc viâ, licebit illicd. Ossis fragmenta, subjectis infecta Meningibus, eximere. Volsellis, Forficibus excindere, Veſte elevare, Meningophilace adæquare, Cruorem Venis effusum exhaurire vel saniem, lætis demùm Meningibus remedia commodius admovere. Quodd si, operatione peractâ, ex humore lividis Meningibus coercito, non remittant Symptomata, nihilque, osse terebrato, proficiat, Scalpelli cuspidè Membranas attingere ne dubites. Sic prudenter administratæ operationis scilicet laudabitur eventus, aut si minùs prosperè cesserit, non criminabitur Operatio, ejus occasio fuerit Necessitas.

I I I.

UT variae sunt Fracturarum Cranii differentiae, sic variâ illis decernenda curandi methodus. Non semper eadem est ictuum casuumque vehementia, non est in omnibus eadem Calvariae soliditas, nec semper est idem Fracturarum modus. Nunc exteriorem tantùm vel utramque Ossis tabulam capillaris Fissura dividit; modò evidentior est rima, licet nullis prominentibus aculeis aspera, & apprinè conniventibus Fracturæ marginibus. Frangendo Cranium sæpe totus impenditur frangentis impetus, dum intacta manet Membrarum Vasorumque continuïtas. Sic læso mitiùs Capite, non te deterreat Symptomatum vehementia. Hæc ut ab effusis intrâ Cranium humoribus aut pungentibus ossiculis quandoque procedunt, sic etiam aliquando à solâ membranarum leviori Contusione ipsarumve Phlogosi, ducunt originem. Dura Meninx, Cranium firmiter undique adherens, collisionis impetum perſentiscit ipsa vellicaturque. Contundentis impetu,

3

Carotidis externæ ramuli, Capitis integumenta perreptantes, fortiter comprimentur: hinc Sanguis ipsis contentus, tum versùs capillares tubulos validdè cogitur, tum versùs Carotidis truncum refluit impetuosius. Sic in omnibus Carotidis externæ furculis, majori mole & citatiori motu actus Cruor, ruit quàm minor est resistentia, ruptisque repagulis, vel tumorem in parte remotà fuscitat, vel Naribus, Auribus, &c. profluit, Duræ Matris Arteria, tum & carotis interna, hujus quoque reflexus participes, Sanguinem vehementius propulsum uberius exeipiunt & dilatantur ampliùs, hinc ingurgitantur inflammanturque Membranæ: intercurrentibus Arteriis medullaris comprimitur Cerebri substantia, eò magis quòd Philogosi convulsæ Meninges, arctando Calvariæ sinus, Sanguini moram pariant in Cerebro. In Nervos etiam propagatur strictura & irritatio Meningum, quæ ipsis assiduæ comites involucra suppeditant. Sic imminutà, cohibita, perversà Spirituum distributione, tota cohibetur pervertiturque motuum animalium œconomia, Nunquid hæc omnia Trepani necessitate argumenti Minimè. Imò Terebræ applicationem, quæ ex se nunquam expers est periculi, aliquando inutilem esse meritò affirmaveris.

I V.

IDEO Fracturæ Cranii admoveatur Terebra ut effusus & stagnantibus humoribus aperiatur iter, vel depressæ restituantur partes. Quæ Calvariæ Fracturam comitantur Symptomata Trepanum non semper expollunt; sed operationem dehortantur, si paululum remiserint. Compresso sub benigniore Fracturâ Cranio, dura Meninx, quæ ipsi firmiter alligatur, distrahitur, inflammatur, rumpuntur ipsius connexionis funiculi: sed quid distrahit? Quid à Cranio sejuncta, aut inflammata durâ Meninge proderit Trepanum? Largioribus & repetitis Sanguinis missionibus, extremè tenui Victu, Resolventium cephalicorum applicatione, instituenda est humoris in Meningibus hærentis discussio. Sic, inquit Ruischius, * tam solers in Chirurgicis, quàm perspicax in Anatomicis, non rarò felicissimè operantuli verà etiam Cranii Fracturâ laborantibus, quorum capitibus jam Scalpelli incisurium imminabat. Depletis Venæsectione vasis, in liberiore ipforum alveum eructabunt capillaria sanguinem, quo nimium turgent. Tenuës fomenti discutientis partes, intra Cranium admissæ, nimis hærentes aut Revulsionis imperio minùs obsequentes succos attenuabant & resolvent. Non timeas ne ex ruptis Calvariæ ossibus exudans humor acredinem concipiat aut descendat in Meninges, Roris istius stillatio, quæ in cæterorum ossium fracturis, ipsorum ferruminationi confert, fracto Cranio simile conferet emolumentum. Absit credas exiguum duræ Matris à Cranio divulsionem humoris intra Cranium effusioni ansam necessario præbere; Periosteum, in simplici Artuum fracturâ ab osse sejunctum, rursum cum eo facillè glutinatur sine effusionis metu: quidni & dura Mater, quæ Periosteum vices gerit? At quæris undenam, ingruentibus Symptomatis, certò constabit nullum intra Cranium effundi liquorem, nullaque adesse pungentia oscula? Expecta paulisper. Videas num Remediorum usu remittant Symptomata. Pungentia ossium acumina, & effusus intra Cranium humor vulgaribus non cedunt prædiis. Num ex illorum applicatione mitescent omnia? Humorem circulationis legibus subjeci, spiculatorumque absentiam certò conjicies, & incœptam medicamentis absoles curacionem.

V.

APAGE igitur eos, qui, fracto Cranio, ad Trepanum semper trepidi concurrerent. Ne dicant Terebræ applicationem non adeò reformidandam. Quid semper perforares Calvariam incertus effusionis in Cranio, compressionisve? Non sic liceat experimenta per mortes agere, Crudelitatis aut ignorantie meritum in-

* *Observat. Chirurg. h. a.*

curreret labem, qui sine necessitate operationem aggrediretur, unde pro incertâ levaminis spe, certa venirent ægrotanti pericula. Quid autem non timendum ex levioribus operantis Chirurgi peccatis? Si nempe, vel nimis, vel inæqualiter Terebram agitando, duram Meningem attigerit Serra: quid, si quâ parte applicatur Trepanum, duræ ossis tabulæ se se contingant, ut non rarò visum est? Quid si duræ Matris Arteria, quæ internam ossium superficiem perreptare solet, profundo sinu, aut ossæ includatur laminâ? Tunc enim ossis & arteriæ simul perficitur excisio, vel dum resecta ossis pars educitur vecte, inclusa quoque abripitur arteria. Num feliciter operatio peracta est? En ab aere circumfuso imminet non leve periculum. Nihilne involvit timoris diuturna duræ Meningis denudatio, ipsius Phlogosis haud infrequens causa? Nihilne affert discriminis Capiti foramen infligere, necnisi post exfoliationem lentissimam occludendum? Uno verbo sic semper celebratâ operatione, sæpe decumberet in lecto per quinquaginta dies, non ex morbo, sed ex operatione ægrotans, minimo in rebus Nonnaturalibus errore capite plectendus, qui convenienti remedium usu intra paucos dies incolumis evasisset. Hæc igitur te doceant reformidare, tibi que sapientem incutiant metum. Admoveas Trepanum, sed nunquam admoveas inutiliter. Quæ jubet Prudentia ut Terebres, cum certa sunt effusionis compressionisque signa, hæc eadem postulat ut non omni Fracturæ Trepanum applies. Magnum Chirurgiæ principem auscultat Celsus*, qui fracto fissove Osse, experiri Remedia multò nonnunquam restituitur res, inutilisque declinatur Operatio, ægrotanti ple-
rumque luctuosa.

* Lib. VIII.
Cap. IV.

Ergò fracto Cranio non semper admovenda Terebra.

DOMINI DOCTORES DISPUTATURI.

M. Claudius-Thomas Guil- lelmus Guilbert de Préval.	M. Simon-Antonius Brin- gaud.	M. Nicolaus le Roi de Saint Aignan, Eques,
M. Jacobus Gourelz, de la Motte,	M. Jacobus - Franciscus Latier, Regis Consilia- rius & in Supremo Se- natus Parisiensi Medicus designatus.	M. David Vasse.
M. Joannes-Baptista Bas- seville, Anatomæ & Artis Obstetriciæ in gra- tiam Matronarum Pro- fessor.	M. Claudius - Josephus Gentil, Militarium No- socomiorum ad Regis exercitium Medicus.	M. Emmanuel-Mauritius du Verney.

Proponebat Parisiis STEPHANUS D'HUAUME, Blacensis, Doctor Medicus
Monspelienfis, Saluberrimæ Facultatis Medicinæ Parisiensis Baccalaureus.

A. R. S. H. 1760, A SEXTA AD MERIDIEM.

Typis Viduæ QUILLAU, Universitatis & Facult. Med. Typographi, 1760.